

謚

法

通

考

謚法通考卷之二

雲間王 坎編輯

巴郡趙可懷校正

平湖孫成泰 鄭中朱一

龍江王應麟 西陵吳

古帝王謚備考

黃帝有熊氏姬姓名軒轅又云居軒轅之丘故號軒  
轅氏 或曰謚黃

杜佑云黃者中和美色帝承天德最盛淳美故以

尊色爲謚又按白虎通云先黃後帝者古者質生死同稱各將行合而言之美者在上黃帝始制法度得道之中萬代不易後代德與天同亦得稱帝不能制作故不得復稱黃也

顓頊高陽氏姬姓黃帝孫昌意子代少昊爲帝或云謚顓頊

杜佑曰按五經通義云顓猶專頊猶愉幼小而王以致太平常自愉愉謙約自小之意故兩字爲謚  
帝堯陶唐氏伊祁姓名放歟或曰謚堯

帝舜有虞氏姚姓名重華 或曰謚舜

杜佑曰帝堯帝舜先號後謚也帝者德盛與天同  
號謚雖美終不過天也故如其次道之

夏王禹姒姓名文命 或曰謚禹

裴駟曰按謚法受禪成功曰禹

羅泌曰夷益棄契皆名也而夷棄獨以官稱虞伯  
后稷司徒皆官也而契伯益何獨以名著耶古之  
人要不爲是拘也予述路史旣推堯舜禹爲名矣  
而或以爲謚殊不知謚不出于古書傳雖云謚出

黃帝然實出于周公何以言之予觀夏商帝王皆  
非謚法知之也死謚周道也古者生無爵死無謚  
故始皇之制曰朕聞上古有號無謚中古有號死  
而以行為謚是以秦秀謂昔周公弔二季之陵遲  
哀大道之不行于是作謚以紀其終而毅梁亦曰  
武王崩周公制謚法世有謚法輒悉文致堯舜禹  
湯桀紂之類而舜入之蓋始于白虎羣儒斯最荒  
唐者也夫堯舜禹之爲名本自彰也堯曰咨汝舜  
舜曰咨汝禹汝棄汝契是皆名也若以爲謚則契

稷垂益夔龍一皆爲謚而後可有鰥在下曰虞舜  
豈鰥而在下已有謚乎

桀名履癸 或云謚桀 索隱曰桀名也

商成湯姓子名履又名天乙 或曰謚成湯

杜佑曰質家兩言爲謚成湯是也文者一言爲謚  
文武是也號無質文謚有質文注云號者始也  
質以爲本故不可變周公以後尤文以爲本生習  
善事死有善謚故合言文王武王

祖甲亦曰大甲或云謚

杜佑曰以名配者德薄因名配謚祖甲是也質家  
不連號謚文家連號注云生則爲號死則言謚  
故不連號成湯是也欲但言謚不忍死之欲但言  
號又是實死故以號謚文王武王是也

紂名辛一名受 或曰謚紂

杜佑曰桀紂先號後謚者別誅絕不嫌也

皇明鄭曉曰謚法言起於周公恐前此已有之但  
至周公叙謚法增廣之耳堯曰神宗堯之先又有  
文祖藝祖湯曰成湯又曰武湯曰烈祖曰高后曰

高祖曰神后曰武王守成之主太戊曰中宗武丁  
曰高宗由是觀之謚與廟號周公前固有之

商臣謚

伯夷孤竹君之長子姓墨氏一云墨台氏索隱曰  
名元字公信謚夷元至順二年追封昭義清惠公  
叔齊孤竹君之次子索隱曰名致字公達謚齊  
元至順二年追封崇讓仁惠公

元一作允致一作智

周王及后謚

王昌姬姓裔出帝嚳在商爲西伯武王卽位追謚爲文

王發文王子謚武

王誦武王子謚成

王釗成王子謚康

王瑕康王子謚昭

杜佑曰文王武王先謚後號注云王者德薄傳位與子賢不肖同稱王號者所共謚者所專故上

謚下號上其美者

王滿昭王子謚穆

王繁屬穆王子謚共

王藉共王子謚懿

王辟方共王弟謚孝

王燮孝王子謚夷

王胡夷王子謚厲

王靖厲王子謚宣

王涅宣王子謚幽

王宜臼幽王子謚平

王林平王孫謚桓

王佗桓王子謚莊

王胡齊莊王子謚釐

王閭釐王子謚惠

王鄭惠王子謚襄

王壬臣襄王子謚頃

王班頃王子謚匡

王瑜匡王弟謚定

王夷定王子謚簡

王泄心簡王子謚靈 王生而有髭而神故謚其冢  
民祀之不絕

王貴靈王子謚景

王猛景王子謚悼

王尗景王子謚敬

王仁敬王子謚元 一名赤

王介元王子謚貞定

王去疾貞定王子謚哀

王叔襲哀王弟弑兄自立謚思

王巍貞定王子，弑思王自立，謚考

王午考王子，謚威烈

王驕威烈王子，謚安

王喜安王子，謚烈

王扁安王次子，謚慎顯

王定顯王子，謚慎靚

王延慎靚王子，謚赧。時東西周分治，考赧二謚。

周謚法無皇甫謚云：以微弱慚愧故號赧。

幽王次子伯服，謚攜

按羅泌路史謂天子之元子士也士無謚故太子無謚然幽王次子則謚攜矣他如西周公之共太子陳之悼太子之類又不止一人則泌所謂太子無謚殆未之考耳

周時王后皆從王謚詩云亦右文母可見然景王后獨謚穆

周宗室謚

河南公子謚威公考王所封謚桓公  
桓公子謚威公失名

威公子傑謚惠公

是時與虢王東西分治

惠公長子西周公謚武公

失名戰國策作東周武

公

武公長子謚共太子

失名索隱又云武公太子文

公

惠公少子東周公名翬謚惠公

父子同謚恐訛

周卿士謚

王子虎謚文爲王叔文公

虎名叔族

王叔文公子謚桓爲王叔桓公

失其名

周公黑肩謚桓爲周桓公

周公旦次子之世

劉夏謚定爲劉定公

劉采地

劉定公子劉摯謚獻爲劉獻公

劉獻公子劉仁金謚文爲劉文公

單朝謚襄爲單襄公

單襄公子謚頃失名

單襄公五世孫單旗謚穆爲單穆公

單伯輿謚靖爲單靖公

尹圉謚文爲尹文公

甘過謚悼爲甘悼公

樊齊謚頃爲樊頃子

甘鮒謚平

太叔帶謚昭爲甘昭公 食采於甘

仲山甫謚穆爲樊穆仲

右十六人謚與名皆可考者外雍寧康公卽從王游於涇有三女奔焉者也榮夷公卽厲王時芮伯所謂好利者也虢文公卽諫王不籍千畝者也諸若詹桓伯甘簡公甘成公甘景公甘桓

公成肅公成簡公成桓公單獻公單成公單武  
公單平公劉桓公劉康公尹武公原莊公原襄  
公王叔簡公單簡公召武公召戴公召桓公召  
莊公蘇成公系與名皆不可考

周同姓列國君臣謚

魯君及夫人謚

周公名旦索隱曰謚文見國語 唐武后追封爲褒  
德王宋真宗追封爲文憲王

文公子魯公伯禽無謚

魯公伯禽子酉謚考公 索隱曰酉系本作就鄒本  
作迺

考公弟熙謚煬公 索隱曰熙一作怡

煬公子宰謚幽公 索隱曰宰系本作圉

幽公弟潰弑兄而立謚魏公 徐廣曰系本作微公

魏公子擢謚厲公 索隱曰擢系本作翟

厲公弟具謚獻公

獻公子濞謚真公 索隱曰系本作慎公濞系本作

摯或作聃一作濞

真公子弟敦謚武公

武公子戲謚懿公

懿公兄伯御弑弟自立宣王討其罪而誅之故無謚  
戲弟稱謚孝公

孝公子不涅一云弗涅謚惠公 繼室謚聲子 惠

公元妃孟子無謚先惠公死不得從公謚也繼室以

聲子聲謚子氏也

惠公子息姑謚隱公 索隱曰名息系本名息姑

隱公弟軌一名允弑兄而立謚桓公 夫人謚文爲

文姜

桓公子同謚莊公 夫人謚哀爲哀姜妾謚成爲成風

莊公子啟方一名開謚閔公 一云潛公 索隱曰  
系本名啟今作開避漢景帝諱

閔公弟申謚僖公 夫人謚聲爲聲姜

僖公子興謚文公 夫人謚哀爲哀姜妃謚敬爲敬  
嬴 索隱曰哀非謚蓋以哭而過市魯人哀之故謂

之哀姜

文公子侵趙宣公 夫人謚穆爲穆姜 倭史記作  
倭一又作接

宣公子黑肱謚成公 夫人謚齊爲齊姜妾謚定爲  
定姒

成公子午謚襄公 夫人謚缺妾謚齊爲齊歸其姊  
謚敬爲敬歸 彌氏

襄公子裯謚昭公 夫人謚缺裯一作招 春秋傳  
昭公薨季孫問於榮成伯曰吾欲爲君謚使子孫知  
之成伯曰生弗能事死又惡之以自信也將焉用之

乃止

昭公弟宋謚定公

夫人謚定爲定姬

定公子將謚哀公

索隱曰系本作蔣

哀公子寧謚悼公

悼公子嘉謚元公

元公子不行一名顯謚穆公

穆公子奮謚共公

共公子屯一名毛謚康公

康公子偃謚景公

景公子叔一云旅謚平公

平公子賈謚晉公

一作文

晉公子鍾謚頃公

自哀公而下夫人謚皆無考

按古者婦人俱從夫之謚然自桓文姜而下抑何於此義戾也豈其行有不盡於夫之謚乎非止魯也觀周景后之爲穆則周固已特謚矣又匹敵有戒至姪娣而皆加之謚如成風敬羸之類抑又何說也豈所謂母以子貴者耶

魯諸臣謚

公子彊謚僖爲臧僖伯

僖伯子臧孫達謚哀爲臧哀伯

哀伯孫臧孫辰謚文爲臧文仲

文仲子臧孫許謚宣爲臧宣叔

宣叔子臧孫紇謚武爲臧武仲

慶父謚共爲共仲

共仲子公孫敖謚穆爲穆伯

穆伯子公孫穀謚文爲文伯

文伯子仲孫蔑謚獻爲孟懿子

孟獻子子仲孫速謚莊爲孟莊子

孟莊子子孟孫鴻謚孝爲孟孝伯

孟孝伯子子服椒謚惠爲子服惠伯   孟獻子之孫  
故又曰孟椒曰子服者以王父字爲氏也

子服惠伯子子服回謚昭爲子服昭伯

子服昭伯子子服何謚景爲子服景伯

穆伯子公孫難謚惠爲惠叔

共仲弟叔牙謚僖爲僖叔

僖叔子公孫茲謚戴爲叔孫戴伯

僖叔孫叔仲彭生謚惠爲叔仲惠伯

叔仲惠伯子叔仲帶謚昭爲叔仲昭伯

叔仲昭伯子叔仲小謚穆爲叔仲穆子

僖叔弟季友謚成爲成季

成季子季孫行父謚文爲季文子

季文子子季孫宿謚武爲季武子

季武子庶子季孫紇謚悼爲季悼子

季平子子季孫意如謚平爲季平子

季平子子季孫斯謚桓爲季桓子

季桓子子季孫肥謚康爲季康子

仲孫捷謚敬爲孟敬子

仲孫糴謚僖爲孟僖子

孟僖子子仲叔何忌謚懿爲孟懿子

孟懿子子仲孫彘謚武爲孟武伯

孟僖子子南宮适謚敬爲南宮敬叔

叔孫僑如謚宣爲叔孫宣伯

叔孫宣伯弟叔孫豹謚穆爲穆叔

叔孫穆叔子叔孫婼謚昭爲叔孫昭子

叔孫昭子子叔孫不  
敢謚成爲叔孫成子

叔孫成子子叔孫州仇謚武爲叔孫武叔

叔孫武叔子叔孫舒謚文爲叔孫文子

叔孫得臣謚莊爲叔孫莊叔

公子遂謚襄爲東門襄仲

施叔謚孝爲施孝叔失名

公孫嬰齊謚聲爲子叔聲伯

展喜謚莊爲展莊叔

榮駕鶩謚成爲榮成伯

叔弓謚敬爲敬子

子家羈謚懿爲子家懿伯 一作子家駒仲孫氏之族

公文歛謚文爲公父文伯

公子展謚夷爲夷伯

叔孫舍謚昭爲叔孫昭伯

野洩謚聲爲野聲子

臧孫賜謚昭爲臧昭伯

季昭子 失名

厚瘠謚成爲厚成叔

郈惡孝公之後稱厚氏謚昭爲郈昭伯 見索隱

衛君及夫人世子謚

康叔名封武王同母弟按會編食采於康故曰康叔非謚

康叔子牟謚康伯 索隱曰系本康伯名髡宋忠曰卽王孫牟也譙周古史考無康伯而云子牟伯立蓋以不宜父子俱謚康故因其名曰牟伯

康伯子謚考伯

考伯子謚嗣伯

嗣伯子謚廩伯

系本作摯伯

廩伯子謚靖伯

靖伯子謚貞伯

索隱曰系本作箕伯

貞伯子謚頃侯

頃侯賂周始命爲侯

頃侯子謚釐侯

釐侯少子和謚武公

武公子揚謚莊公

夫人謚莊爲莊姜娶於陳謚厲

爲厲媯其娣謚戴爲戴媯

莊公子完謚桓公 桓公弟州吁弑兄自立無謚  
桓公弟晉謚宣公 夫人謚宣爲宣姜公之庶母謚  
夷爲夷姜卽公所烝也是生伋

宣公子朔謚惠公

宣公子黔牟無謚 卽伋之弟

惠公子赤謚懿公

黔牟弟申謚戴公

戴公子弟燬謚文公

文公弟鄭謚成公

成公子邀謚穆公

穆公子臧謚定公 夫人謚定爲定姜妾謚敬爲敬  
姒

定公子衍謚獻公 衍史記作衍

定公弟狄以獻公出奔立爲晉喜所弑謚殤公 狄

史記作秋又班氏云獻公弟炎

獻公子惡謚襄公 夫人謚宣爲宣姜

襄公庶子元謚靈公 左傳靈公柩出城外馬止不

行就葬焉下有石櫟銘曰不達其子靈公奪我里孔  
子曰靈公之爲靈久矣哉

靈公子蒯瞞謚莊公

莊公子輒無謚號出公

衛有孝公能以公養之禮待孔子而世家不載  
或者以爲出公輒也然出公據國拒父豈得爲  
孝乎以輒爲孝不經甚矣

襄公孫班師無謚

公子起無謚 服虔曰起靈公之子

出公季父黔謚悼公 索隱曰系本名虔

悼公子弗謚敬公 世本作敬公費

敬公子糾謚昭公

亹弑昭公代立謚懷公

敬公孫穎弑懷公自立謚慎公

慎公子訓謚聲公 索隱曰訓亦作馯系本又作聖

公馳

聲公子邀貶號曰侯謚成侯 索隱曰系本作逝按  
上穆公名邀不宜成侯更名則系本是也

成侯子謚平侯

平侯子嗣君貶號曰君 索隱曰樂資據紀年以嗣君卽孝襄侯

嗣君子謚懷君

嗣君弟謚元君 徐廣曰班氏云元君者懷君之弟

元君子角秦廢爲庶人無謚

釐侯世子餘謚共伯 其妻謚共姜

衛諸臣謚

宣公子頑謚昭爲昭伯

成公弟叔武謚夷爲夷叔

寧靜謚穆爲寧穆仲

寧穆仲子速謚莊爲寧莊子

寧莊子子俞謚武爲寧武子

孫良夫謚桓爲孫桓子

孫林父謚文爲孫文子

石稷謚成爲石成子

石成子子買謚共爲石共子

石共子子惡謚悼爲石悼子

寧殖謚惠爲寧惠子

寧惠子子喜謚悼爲寧悼子

北宮适謚懿爲北宮懿子

比宮懿子孫佗謚文爲北宮文子

太叔儀謚文爲太叔文子

太叔疾之父謚懿爲太叔懿子 失名

太叔疾謚悼爲太叔悼子

太叔遺謚僖爲太叔僖子

王孫賈子齊謚昭爲昭子

史狗謚文爲衛文子

孔達謚莊爲孔莊叔

孔莊叔孫烝鉏謚成爲孔成子

孔成子曾孫圉謚文爲孔文子

叔孫枝謚文爲公叔文子 檇公云公孫枝率其子

戍請於君曰日月有時將葬矣請所以易其名者衛君曰昔者衛國有饑夫子爲粥以食貧者可不謂惠乎衛國有難夫子以身衛寡人可不謂貞乎夫子脩其班制以與隣國交使衛之社稷不辱可不謂文乎

故謂夫子貞惠文子

按公孫枝旣謚貞惠文矣而單以文行者豈其君謚之而輿論未之從歟抑古人尚質雖三謚而止舉其一歟

公孫彌牟謚文爲公孫文子

公孫發謚文爲公叔文子

公子要謚懿爲公文懿子

褚師比父謚定爲褚師定子失名

褚師比謚聲爲褚師聲子

鄖躬謚武爲鄖武子

北宮喜謚貞爲北宮貞子

析朱鋤謚成爲析成子 左傳昭公二十年衛靈公  
因齊豹之亂出奔於外既復國賜北宮喜謚曰貞子  
則析朱鋤謚曰成子而以齊氏墓予之以北宮喜能  
滅齊豹而朱鋤能宵從竇出以從公也生謚始見此  
石祁子 失名

孫莊子 失名

中行敬子 失名

鍼莊子 失名

孫昭子 失名疑卽王孫齊

昭子 失名食采於戚

蔡君及太子謚

蔡叔度武王弟以與管叔流言作亂無謚

叔度子蔡仲名胡無謚

蔡仲子蔡伯名荒無謚

蔡伯子宫侯無謚

宮侯子謚厲侯

厲侯子謚武侯

武侯子謚夷侯

夷侯子所事謚釐侯

釐侯子興謚共侯

共侯子謚戴侯

戴侯子措父謚宣侯

宣侯子封人謚桓侯

桓侯弟獻舞謚哀侯

哀侯子貽謚穆侯 穆史記作繆

穆侯子申謚莊侯

莊侯子申謚文侯

文侯子同謚景侯

景侯子般謚靈侯

靈侯少子廬謚平侯 系本曰平侯者靈公之孫太

子友之子

靈侯孫東國謚悼侯

悼侯弟申謚昭侯 與文侯同名可疑

昭侯子朔謚成侯 一謚景

成侯子產謚聲侯

聲侯子謚元侯

元侯子齊無謚

靈侯太子友謚隱爲隱太子 友左傳作有

蔡大夫之可考者一人

歸生謚聲爲聲子

曹君謚

振鐸武王弟無謚

振鐸子太伯脾無謚

平子仲君平無謚

平子宮伯侯無謚

侯子雲謚孝伯

孝伯子喜謚夷伯

夷伯弟彊戴伯弑之謚幽伯

幽伯弟蘇謚戴伯 一云名鮮

戴伯子兕謚惠伯 索隱曰按年表作惠公伯雉

惠伯子武弑兄石甫自立謚繆公

繆公子終生謚桓公 孫檢曰一作終涅

桓公子射姑謚莊公 一作夕姑

莊公子赤又名夷謚釐公

釐公子班謚昭公

昭公子襄謚共公

共公子壽謚文公

文公子廬謚宣公 爬史記作彊

宣公子弟負芻謚成公

成公子勝謚武公

武公子湦謚平公 一名湏

平公子午謚悼公

悼公弟野隱公弑之謚聲公一謚襄

平公弟通謚隱公

聲公弟露立謚靖公索隱曰檢系本及春秋傳悼伯

卒弟露立謚靖公實無聲公隱公

靖公子伯陽滅於宋無謚

晉君及夫人世子謚

叔虞字子于成王弟始封唐侯無謚

叔虞子燮都於晉爲晉侯無謚

燮子寧族謚武侯

武侯子服人謚成侯

成侯子福謚厲侯 福系本作輜

厲侯子宜臼謚靖侯

靖侯子司徒謚僖侯

僖侯子籍謚獻侯 籍系本及譙周皆作蘇

獻侯子費生謚穆侯 鄒誕本作弗生或作瀆王

穆侯弟殤叔謚殇侯

穆侯子仇謚文侯

文侯子伯爲大臣潘父所弑謚昭侯

昭侯子平爲莊伯鯉所弑謚孝侯

孝侯子鄰爲鄂侯 居於鄂故曰鄂侯

鄂侯子光曲沃武公弑之謚哀侯

哀侯子爲小子侯武公弑之無謚 昭侯至此始絕

昭侯叔父成師始封曲沃謚桓叔

桓叔子蟬謚莊伯 爲曲沃莊伯

莊伯子稱謚武公 爲曲沃武公代晉爲諸侯二年

卒

據史記曲沃武公已卽位三十年矣更號曰晉

武公則武似號

武公子詭諸謚獻公

獻公子夷吾謚惠公

惠公子圉爲文公所弑謚懷初公質於秦以女妻

之是爲懷羸

獻公子重耳謚文公納秦穆公之女是爲文羸

文公子驩謚襄公夫人謚穆爲穆羸驩史記作

歎

襄公子夷臯趙穿弑之謚靈公

襄公弟黑臀謚成公

成公子儒一名據謚景公

景公子州蒲一名壽曼樂書中行偃弑之謚厲公

襄公曾孫周謚悼公 周一作糾

悼公子彪謚平公

平公子夷謚昭公

昭公子去疾一名棄疾謚頃公

頃公子午謚定公

定公子鑿又名錯號出公無謚

昭公曾孫驕謚哀公

哀公子抑爲盜所殺謚幽公 抑史記作柳

幽公子止謚烈公 索隱曰系本幽公生烈成公止

又年表云魏誅幽公立其弟止

烈公子頎謚孝公

孝公子俱酒謚靜公 索隱曰系本云靜公俱

獻公世子申生謚共太子

襄公少子捷謚桓公

桓公子談謚惠伯 卽悼公周父

昭公少子雍謚戴子 卽哀公驕父徐廣曰系本作

桓子

晉諸臣謚

趙成子父謚共爲共孟 失名

趙衰謚成爲趙成子

趙成子子盾謚宣爲趙宣子

趙宣子子朔謚莊爲趙莊子

趙莊子子武謚文爲趙文子

趙文子子成謚景爲趙景子

趙景子子鞅謚簡爲趙簡子

趙簡子子無恤謚襄爲趙襄子

趙襄子兄伯魯之子周封爲代成君成疑謚

趙浣謚獻爲趙獻子 卽代成君之子襄子立爲太子

之子

趙襄子弟嘉謚桓爲趙桓子 索隱曰系本作無恤

之子

欒枝謚貞爲欒貞子

言 漢書 謚武爲欒武子

欒武子子盈謚桓爲欒桓子

欒桓子子盈謚懷爲欒懷子

欒成之謚共爲欒共叔

御缺謚成爲御成子

御克謚獻爲御獻子

御犨謚成爲苦成叔 克從父兄弟食采於苦

荀林父謚桓爲中行桓子 父逝邀晉大夫

中行桓子子庚謚宣爲宣伯

宣伯子偃謚獻爲中行獻子

中行獻子子吳謚穆爲中行穆子

中行穆子子寅謚文爲中行文子

宣伯弟首謚莊爲智莊子

智莊子子子榮謚武爲智武子

智武子子盈謚悼爲智悼子

智悼子子躡謚文爲中行文伯

中行文伯子躡謚襄爲智襄子

隨會謚武爲隨武子

隨武子子士爗謚文爲范文子會食邑於范因爲

范氏

范文子子士匄謚宣爲范宣子

范宣子子士鞅謚獻爲范獻子

范獻子子吉射謚昭爲范昭子

范宣子孫士匄謚文爲士文伯與祖同名恐史誤

士文伯子彌牟謚景爲士景伯

士渥濁謚貞爲士貞子

士貞子子士弱謚莊爲士莊子

鞶朔謚莊爲士莊伯 未詳其世

韓侯裔孫萬事晉謚武爲韓武子

韓武子孫簡謚定爲定伯

定伯子與謚武爲韓武子

韓武子子厥謚獻爲韓獻子

韓獻子子無忌謚穆爲公族穆子

韓獻子子起謚宣爲韓宣子

韓宣子子謚貞爲韓貞子 失名 索隱曰系本作

平子名頃宣子之子也又云景子

韓貞子之子不佞謚簡爲韓簡子

韓簡子子謚莊爲韓莊子 徐廣曰史記多無簡子  
莊子而云貞子生康子班氏亦同 索隱曰按系本  
有簡子名不信莊子名庚趙世家亦有簡子名不佞  
也

韓莊子子虎謚康爲韓康子

韓康子子啓章謚武爲韓武子  
續鞠居謚簡爲續簡伯

王鮒謚共爲彘共子

魏頡謐文爲令狐文子

畢萬子魏犨謐武爲魏武子

魏武子子謐悼爲魏悼子 失名 索隱曰系本云  
武仲生莊子絳無悼子

魏悼子子絳謐莊爲魏莊子 史記云謐昭

魏莊子子舒謐獻爲魏獻子 史記作絳子魏嬴之  
子 索隱曰系本云獻子名荼莊子之子無魏嬴  
魏獻子子侈謐簡爲魏簡子 史記侈無謐 索隱

曰侈亦作哆系本獻子生簡子取取生襄子多左傳

曰魏曼多是也則侈卽多之訛

魏簡子孫駒謚桓爲魏桓子 索隱曰系本云襄子

生桓子

魏錡謚武爲厨武子

厨武子子呂相謚宣爲呂宣子

樂王鮒謚桓爲樂桓子

鄭君及夫人謚

厲王子友初封於鄭爲犬戎所殺謚桓公

桓公子掘突謚武公 夫人謚武姜

武公子寤生謚莊公 夫人謚莊姜

莊公子忽爲高渠彌所弑謚昭公

昭公弟突謚厲公 與祖同名史誤

厲公弟子亹無謚

厲公子捷謚文公 捷一作蹠

文公子蘭謚繆公

繆公子夷謚靈公

靈公弟堅謚襄公 年表作靈公庶兄

襄公子費謚悼公 費史記作潰 索隱曰一作弗

一作沸

悼公弟聃謚成公

悼公子惲又名髡頑爲子駟所弑謚僖公

僖公子嘉謚簡公

簡公子寧謚定公

定公子蠭謚獻公

獻公子勝謚聲公

聲公子易謚哀公

哀公弟丑謚共公

共公子已謚幽公 左傳鄭歸生弑幽公鄭人討幽  
公之亂斬子家之棺而逐其族改葬幽公謚之曰靈  
幽公弟駘號繻公 繻或作絳

繻公弟乙謚康公 史記作鄭君無謚

鄭大夫謚之可考者六人

公孫舍之謚桓子

公子發卽子產父謚惠子

國參字子思子產子謚桓

公父定叔叔段之孫謚定 失名

皇武子 失名疑卽武子勝

共仲 失名

燕君謚

召公奭謚康公

康公九世孫謚惠侯

惠侯子謚釐侯

釐侯子謚頃侯

頃侯子謚哀侯

哀侯子鄭侯

索隱曰鄭名

鄭侯子謚繆侯

繆侯子謚宣侯

宣侯子謚桓侯

桓侯子謚莊公

莊公子謚襄公

桓公 索隱曰譙周云系家襄伯生宣公無桓公

宣公

昭公

武公

文公

懿公

懿公子謚惠公

悼公

共公

平公

簡公

獻公 索隱曰王邵按紀年簡公後次孝公無獻公

孝公 載謚成公

閔公 史記作潘公

釐公 年表作釐侯莊徐廣曰一無莊字

桓公

文公 徐廣曰古史考曰世家自宣侯以下不說其屬以其難明也

文公子僭稱王謚易王

易王子噲無謚

晉子平謚昭王

昭王子謚惠王

惠王子謚武成王

武成王子謚孝王

孝王子喜滅於秦無謚

按左傳燕有南北如昭三年書北燕伯歎出奔齊莊二十年書執燕仲父注云南燕伯是也而史記乃共一世家豈司馬氏別有據與又左傳有召莊公與之子簡公盈與北燕簡公歎而世家獨有一簡公豈卽左傳所謂北燕伯歎與又有召穆公虎卽江漢之詩所稱平淮南之夷者

也而世家亦無之第有繆侯豈繆卽穆與錄以  
俟考古者

韓君謚 韓之先與周同姓苗裔韓武子事晉  
世爲晉卿至九世孫虔始分晉列於諸侯

武子啓章之子虔謚景侯

景侯子取謚烈侯 烈系本作武史記作列

烈侯子謚文侯

文侯子爲韓嚴所弑謚哀侯 索隱曰紀年魏武侯  
三十三年晉桓公邑哀侯於鄭是韓旣徙都因改號

曰鄭故戰國策謂韓惠王爲鄭惠王

哀侯子謚懿侯 索隱曰年表作莊侯

懿侯子謚昭侯 昭侯又曰鄭釐侯

昭侯子僭稱王謚宣惠王 索隱曰紀年鄭昭侯武  
薨次威侯立此系家卽以爲宣惠王則韓微國小史  
失世代耳

按史記昭侯十年韓姬弑其君悼公不知卓公  
何君

宣惠王子倉謚襄王

襄王子咎謚釐王

釐王子謚桓惠王

戰國策所稱鄭惠王疑卽此

桓惠王子安滅於秦無謚

魏君謚魏之先畢公高之後周同姓苗裔畢萬

事晉獻公世爲晉卿至十世孫斯始分晉列於諸侯

桓子駒之孫斯謚文侯 斯史記作都 索隱曰系

本桓子生文侯斯

文侯子擊謚武侯

武侯子營儕稱王謚惠王

紀年作惠成王

余按荀勗曰和嶠云紀年起自黃帝終於魏之  
今王今王者魏惠成王子太史公書惠成王但  
言惠王據此則紀年或不誤

惠王子赫謚襄王 赫系本作嗣

襄王子謚哀王 索隱曰系本襄王生昭王而無哀  
王蓋脫一代耳

哀王子謚昭王 索隱曰系本名邀

昭王子謚安釐王 索隱曰系本名圉

安釐王子增謚景閔王

景閔王子假滅於秦無謚

滕君謚

滕侯嬰齊文王子叔繡之後謚宣公

宣公子毛謚昭公

昭公子繡謚文公

文公子原謚成公

成公子寧一名道謚悼公

悼公子結謚頃公

虞母謚隱公

定公 失名

定公子謚文公 失名

中山公謚

中山公古鮮虞國姬姓謚武 失名 徐廣曰西周

桓公子桓公者貞定王子考王弟也

周異姓列國君臣謚

齊君及夫人謚

太公姓姜從其封姓故曰呂尚始封於齊無謚 唐

肅宗乾元三年封爲武成王宋真宗大中祥符元年

封爲昭烈武成王

譙周曰名牙一作字牙名尚

太公子伋謚丁公

徐廣曰伋一作及

丁公子乙公得

乙公子癸公慈母

太公子丁公丁公子乙公乙公子癸公蓋猶用

殷法以生日名子謚法乃後人依託遂以述義

不克曰丁耳不然何以無乙癸之謚法乎乃知

丁乙癸皆非謚也

癸公子不辰謚哀公 不辰系本作不臣

哀公弟靖謚胡公

哀公弟山弑胡公立謚獻公

獻公子壽謚武公

武公子無忌弑於國人謚厲公

厲公子赤謚文公

文公赤子說謚文公 說史作脫

文公說子購謚莊公

莊公子祿父謚釐公

釐公子諸兒謚襄公 釐公弟之子無知弑君無謚

襄公弟小白謚桓公 夫人謚共爲共姬

桓公子無詭被弑無謚

桓公子昭謚孝公

桓公子潘謚昭公

昭公子舍謚殤公

桓公子商人謚懿公

桓公子元謚惠公

惠公子無野謚頃公

頃公子環謚靈公 夫人謚聲爲聲孟子

娶於魯

謚懿爲懿姬 其姪謚聲爲聲姬 又納魯叔孫宣伯之女謚穆爲穆孟姬

靈公子光爲崔杼所弑 謚莊公

莊公弟杵臼 謚景公

景公子荼 號晏孺子

景公子陽生 謚悼公

悼公子壬陳成子弑之 謚簡公 年表云簡公一作

景公子

簡公弟骜 謚平公

平公子積謚宣公

宣公子貸謚康公

齊諸臣謚

田完謚敬爲陳敬仲

陳敬仲孫潛謚莊爲孟莊子

孟莊子子湏無謚文爲陳文子

陳文子子無宇謚桓爲陳桓子

陳桓子子開謚武爲陳武子

陳桓子子田乞謚釐爲田釐子

田釐子子恒謚成爲陳成子 昭子莊簡子齒宣子  
夷穆子安廩丘子意茲芒子盈惠子得七人俱成子  
兄弟廩丘子意茲芒子盈系本作廩丘子尚盈茲子  
芒盈

陳成子子田盤謚襄爲田襄子 徐廣曰盤一作暨  
系本作班

田襄子子田白謚莊爲田莊子 索隱曰系本名伯  
田莊子子謚悼爲田悼子 失名

管仲謚敬爲管敬仲

國歸父謚莊爲國莊子

國佐謚武爲國武子

國武子孫弱謚景爲國景子

國夏謚惠爲國惠子

晏弱謚桓爲晏桓子

晏桓子子嬰謚平爲晏平仲

鮑叔牙魯孫牽謚莊爲鮑莊子

鮑莊子弟國謚文爲鮑文子

高傒謚敬爲高敬仲

高張謐高爲高昭子

高固謐宣爲高宣子

樂桓子失名

崔杼謐武爲崔武子

析歸父謐文爲析文子

杞君謐號

東樓公姒姓禹之後周武王始封索隱曰東樓公謐號也

東樓公子西樓公

西樓公子題公

題公子謀娶公

四公無謚

謀娶公子謚武公

武公子謚靖公

靖公子謚共公

共公子謚德公

徐廣曰系本作惠公

德公子謚成公

史記無成公 五公史皆失名

德公弟姑容謚桓公

徐廣曰系本曰惠公生成公  
及桓公則云弟誤

桓公子匄謚孝公

孝公弟益姑謚文公

文公弟郁釐謚平公

譙周云名鬱來

平公子成謚悼公

悼公子乞謚隱公

隱公弟遂弑隱公自立謚釐公

釐公子維謚湣公

湣公弟閼路謚哀公

譙周云謚懿

湣公子敦號出公

敦一作邀

出公子春謚簡公

宋君謚

微子開一名啟子姓周武王始封於宋以奉商祀無  
謚元至元六年封仁靖公

啟弟微仲衍無謚

宋公稽無謚

稽子申謚丁公

丁公子共謚湣公

湣公弟熙爲鮒祀所弑謚煬公

煬公弟鮒祀謚厲公 徐廣曰鮒一作鯈

厲公子舉謚釐公

釐公子覲謚釐公

惠公子謚哀公 史失名

哀公子謚戴公 史失名

戴公子司空謚武公

武公子力謚宣公

宣公子和謚穆公

宣公子與夷華督弑之謚殤公

穆公子馮謚莊公

莊公子捷南宮萬弑之謚閔公

新君游遇弑無謚

閔公弟禦說謚桓公

桓公子茲甫謚襄公

襄公子王臣謚成公

成公子杵臼衛伯弑之謚昭公 正義曰年表云杵

臼襄公子 徐廣曰一云成公少子 索隱曰此昭

當爲武前代雖已有武公杵臼當亦謚武不然豈下

五代公子特爲君又謚昭乎

昭公弟鮑革謚文公

文公子瑕謚共公 一名固

共公少子成謚平公

平公子佐謚元公

元公子欒謚景公 史記名頭曼

元公庶曾孫特弑景公太子自立謚昭公 索隱曰

特一作得

按左傳景公無子取元公庶曾孫公孫周之子

得及啟畜於公宮景公卒先立啟後立得是爲

昭公無殺太子事

昭公子聃由謚悼公

悼公子田謚休公

休公子辟兵號爲辟公 徐廣曰一云辟公兵 索

隱曰紀年作桓侯璧兵則璧兵謚桓

辟公子剔成弟偃弑之

剔成弟偃僭稱王立四十七年而宋亡 索隱曰戰

國策呂氏春秋皆以偃謚康王

宋夫人謚之可考者惟共公夫人爲共姬襄公夫人爲襄夫人元公夫人曹氏謚景餘皆無可考

陳君及太子謚

陳侯滿媯姓周武王始封謚胡

胡公子犀謚申公

申公弟臯羊謚相公

申公子突謚孝公

孝公子圉戎謚慎公

慎公子寧謚幽公

幽公子孝謚僖公

僖公子靈謚武公

武公子說謚夷公

夷公弟燮謚平公

平公子圉謚文公

文公子鮑謚桓公

桓公弟佗謚厲公

桓公子躍謚利公

索隱曰按左傳桓公五年文公

子佗殺桓公太子免而代立經六年蔡人殺陳佗立  
桓公子躍爲厲公佗立未踰年故無謚史記以佗爲  
厲公遂以躍爲利公是馬遷錯耳而譙周又以厲公  
爲桓公弟又誤也

利公弟林謚莊公

莊公弟杵臼謚宣公

宣公子歎謚穆公

穆公子朔謚共公

共公子平國爲徵舒所弑謚靈公

靈公子午謚成公

成公子弱一名溺謚哀公

哀公孫吳謚惠公 卽悼太子之子

惠公子柳謚潛公

懷公子越謚潘公

哀公太子偃謚悼

按左傳哀公元配鄭姬生悼太子偃師則爲一人耳史記世家乃云哀公娶鄭長姬生悼太子  
師少姬生偃則又爲二人矣史記當誤夫人謚

無考

陳大夫謚之可考者三人

轍濤塗謚宣爲轍宣仲

公孫貞子謚貞失名

司城貞子卽孟子所謂主司城貞子是也以宋大夫而奔於陳者亦失名

許君謚

文叔姜姓四岳伯夷之後武王始封

德男

伯封

孝男

靖男

康男

武公

興父謚文公

文公弟謚莊公

鄭謚桓公

新臣謚穆公

業謚僖公

僖公子錫我謚昭公

昭公子寧謚靈公

靈公子買謚悼公

悼公子成謚元公

薛君謚

薛本任姓黃帝之後夏封奚仲于薛

薛侯穀謚獻公

獻公子定謚襄公

襄公子夷謚惠公

成侯

邾君謚

邾顓頊後周武王始封曹挾於邾至

克見春秋

邾子克謚莊公

莊公子瓊無謚

瓊子蘧蒢謚文公

文公子糴且謚定公

定公子糴謚宣公

宣公子華謚悼公

悼公子穿謚莊公

莊公子益謚隱公

隱公子革謚桓公一謚威公

邾後改爲鄒鄒有穆公見孟子

邾臣謚之可考者一人

茅夷鴻謚成爲茅成子

小邾君謚 卽邾之別封故稱小終春秋有謚

者僅見一君

郈黎來謚穆公

莒君謚號

莒之先少昊之後周武王始封茲

興期於莒十一世至茲不公見春秋

茲不公

莒夷無謚以號爲稱此卽時君之號也

紀公庶其

紀公子季佗曰厲公

渠丘公朱

黎比公密州

黎比號也

著丘公去疾黎比子弑父自立

郊公往著丘公子國人攻之奔齊往一云任

共公庚與著丘公弟國人逐之奔魯

萊君謚 齊東國鄙邑又謂之萊夷

萊子浮柔謚共公

右薛邾莒萊春秋或書其謚或書其名或書其號號非謚也今并載之以備參考至夫人與大夫謚春秋蓋畧之無可錄矣

趙君謚 趙之先與秦共祖苗裔叔帶始事晉文侯建趙氏於晉國叔帶以下五世而生趙夙夙十二世孫籍始分晉列於諸侯

趙侯籍趙獻子浣之子謚烈侯

烈侯弟謚武侯

烈侯子章謚敬侯

敬侯子種謚成侯

成侯子謚肅侯 索隱曰系本肅侯名語

肅侯子僭稱王謚武靈王 納吳廣之女姓嬴是爲

孟姚孟姚有寵卒謚惠后 索隱曰武靈王名雍史

記作定

按史記王當夢見處女鼓琴而歌異日王飲酒

樂數言所夢想見其狀吳廣聞之因夫人而納  
其女娃嬴卽孟姚也孟姚甚有寵於王是爲惠  
后又曰惠文王惠后吳姓嬴子也則惠后信爲  
孟姚矣乃索隱又曰謂武靈王之后前太子章  
之母惠文王之嫡母惠后卒後吳姓始當正室  
至孝成二年稱惠文后卒是也則此惠后又非  
孟姚矣

武靈王子何謚惠文王

惠文王子丹謚孝成王

孝成王子偃謚悼襄王

悼襄王子遷謚幽繆王 徐廣曰又云湣王世本云  
孝成王丹生悼襄王偃偃生今王先年表及史考趙  
遷皆無謚 索隱曰徐廣云王遷無謚今唯此獨稱  
幽繆王者蓋秦滅趙之後人臣竊追謚之太史公或  
別有所見而記也

幽穆王子嘉爲代王滅於秦無謚

田齊君謚號

齊侯和田莊子之子號太公

太公子午謚桓公

桓公子因齊僭稱王謚威王

威王子辟疆謚宣王

宣王子地謚湣王 一名遂

湣王子法章謚襄王

襄王子建滅於秦無謚

田齊宗臣謚

威王少子田嬰謚靖郭君

靖郭君子田文謚孟嘗君

索隱曰孟嘗襲父封薛

而號曰孟嘗君此云謚非也孟字嘗邑名正義曰四君封邑檢皆不獲惟平原有地又非趙境並皆號謚而孟嘗是謚

楚君謚號 楚自熊繹始封至十七世武王而有謚

熊通弑兄蚡冒之子代立謚武王

按史記楚武王三十五年楚伐隨謂隨請王室尊吾號王室不聽熊通怒曰我自尊耳乃自立爲武王則武似號

文子傳  
卷之二  
三百五十三

武王子熊蕡是爲杜敖無謚

熊蕡弟熊惲謚成王

左傳作熊穎

左傳商臣以

宮甲圖成王王請食熊蹯而死不聽丁未王繼謚之

曰靈不瞑曰成乃瞑

成王子商臣弑父代立謚穆王

穆王子侶謚莊王 侶一作旅

莊王子審謚共王 左傳共王疾告大夫曰不穀不

德少主社稷生十年而喪先君未及習師保之教訓

而膺受多福是以不德而亡師於郿以辱社稷爲大夫憂其弘多矣若以大夫之靈獲保首領以歿於地惟是春秋窀穸之事所以從先君於禰廟者請爲靈若厲大夫擇焉莫對及五命乃許秋共王卒子囊謀謚大夫曰若有命矣子囊曰君命以共若之何毀之赫赫楚國而君臨之撫有蠻夷奄征南海以屬諸夏而知其過可不謂共乎請謚之共大夫從之

共王子招謚康王

康王子員是爲郊敖無謚

康王弟圍謚靈王 一名虔餓死申亥之家  
康王子棄疾改名熊居謚平王 平王以許弑兩王  
自立

平王子珍謚昭王 其母卽前太子建所當娶也  
昭王子章謚惠王

惠王子中謚簡王

簡王子當謚聲王

聲王子類謚悼王 類史記作熊疑

悼王子臧謚肅王

肅王弟熊良夫謚宣王

宣王子熊商謚威王

威王子熊槐謚懷王

懷王子橫謚頃襄王

頃襄王子熊元謚考烈王 索隱曰系本作完

考烈王子悼謚幽王

幽王弟猶謚哀王 猶一作赫

哀王庶兄負芻滅於秦無謚

楚屬國君謚

鄧侯曼姓，謚祁，失名

唐公姬姓，侯爵，謚成

唐公謚惠，二君世次與名皆失

秦君謚號，秦自桓驥始封，歷非子、秦侯、公伯  
秦仲、皆無謚至莊公而謚

秦仲子謚莊公

莊公子謚莊公

襄公子謚襄公

文公孫謚寧公

寧公少子被弑是爲出子

寧公長子謚武公

武公弟謚德公

德公子謚宣公

宣公弟謚成公

成公弟任好謚穆公

夫人謚穆姬

穆史記作繆

穆姬晉女也在晉曰伯姬伯謂長女也在秦曰

穆姬從夫之謚也嫁於小國則不從夫之謚如

紀伯姬鄭伯姬潞伯姬是也次國亦不從夫之

謚如文姜聲姜出姜齊姜齊歸是也其有叔姬者各據本國次序也

穆公子孺謚康公

康公子和謚共公 一名假

共公子榮謚桓公 史記無名

桓公子后謚景公 史記無名 徐廣曰系本云名

后伯車

景公子謚哀公 一作襄公始皇本紀作琿公

哀公孫謚惠公 卽哀公太子夷公之子

惠公子謚悼公

悼公子謚厲共公

厲共公子謚躁公

躁公弟被圍自殺謚懷公 索隱曰厲共公子也生昭太子未立而卒太子之子是爲靈公

懷公孫謚靈公

懷公子悼子謚簡公 索隱曰簡公懷公子靈公季父也始皇本紀云靈公生簡公誤又紀年云簡公九年卒次敬公立十二年卒乃立惠公

簡公子謚惠公

惠公子立二年被殺號出子

靈公子謚獻公 索隱曰名師隰

獻公子謚孝公 索隱曰名渠梁

孝公子謚惠文君 一又稱惠王索隱曰名駟

惠文君子謚武王 索隱曰名蕩

武王異母弟謚昭襄王 索隱曰名則一名稷

昭襄王子謚孝文王 索隱曰名柱

孝文王子謚莊襄王 索隱曰名楚

文公太子謚竫公

懷公太子謚昭公

哀公太子謚夷公

昭襄王太子謚悼

陳王勝謚

陳王勝字涉陽城人秦二世元年起斬大澤中立爲將軍已立爲王號張楚後其御莊賈殺以降秦葬於碣謚隱王